



## SIARAN MEDIA

### JABATAN METEOROLOGI MALAYSIA KEMENTERIAN TENAGA, SAINS, TEKNOLOGI, ALAM SEKITAR DAN PERUBAHAN IKLIM

8 SEPTEMBER 2019

---

#### KESIAPSIAGAAN OPERASI PEMBENIHAN AWAN (OPA)

---

Keadaan cuaca berjerebu yang sedang dialami beberapa kawasan dalam negara terutamanya di negeri-negeri pantai barat Semenanjung dan barat Sarawak ketika ini adalah berikutan daripada peningkatan bilangan titik panas yang berlaku di Sumatra dan Kalimantan. Kemungkinan berlaku hujan lebat di Sumatra, Kalimantan, Indonesia termasuk negara kita adalah rendah dalam tempoh seminggu akan datang.

Kementerian Tenaga, Sains, Teknologi, Alam Sekitar dan Perubahan Iklim (MESTECC) melalui agensi pelaksanaannya, MET Malaysia dalam keadaan kesiapsiagaan melaksanakan OPA dengan kerjasama Agensi Pengurusan Bencana Negara (NADMA) dan Tentera Udara Diraja Malaysia (TUDM). Operasi hanya akan dilakukan sekiranya keadaan atmosfera berada dalam keadaan yang sesuai. MET Malaysia sentiasa memantau keadaan atmosfera dari semasa ke semasa dan akan segera melaksanakan OPA apabila keadaan adalah sesuai bagi mengurangkan kesan jerebu kepada penduduk di kawasan terlibat berdasarkan Pelan Tindakan Jerebu Kebangsaan.

Orang ramai dinasihatkan untuk mengurangkan aktiviti luar dan memakai penutup muka dalam keadaan cuaca berjerebu ketika ini. Orang ramai juga dinasihatkan meminum banyak air dan tidak melakukan aktiviti pembakaran terbuka dalam tempoh ini.

Maklumat dan ramalan cuaca terkini daripada Jabatan Meteorologi Malaysia boleh diperolehi melalui laman web, aplikasi myCuaca dan media sosial.

Sumber:  
Ketua Pengarah  
Jabatan Meteorologi Malaysia (MET Malaysia)  
Kementerian Tenaga, Sains, Teknologi, Alam Sekitar & Perubahan Iklim  
(MESTECC)  
8 SEPTEMBER 2019



[www.met.gov.my](http://www.met.gov.my)



[myCuaca](#)



[metmalaysia](#)

Rakan **MET** [rakanmet.met.gov.my](http://rakanmet.met.gov.my)



[mygempa.met.gov.my](http://mygempa.met.gov.my)



[@malaysiamet](#)



[@malaysianmet](#)



1-300-22-1638